



Izvještaj o radu Vlade BPK-a za 2016. godinu

Polazno stanje za djelovanje u 2016. godini

- Pozitivan trend privrednog rasta i trend povećanja zaposlenosti, trend povećanja broja razmatranih mjera na nivou izvršne vlasti kantona, nedovoljna razvijenost infrastrukture, odsustvo definisanih projekata i strateških dokumenta i izrađene projektno-investicione dokumentacije za ključne projekte od interesa za kanton, nedovoljna iskorištenost prirodnih resursa, nedovoljno rješeno pitanje finansiranja kantona, odsustvo veće saradnje nižih i viših nivoa vlasti, neuređen sistem rada javne uprave, nerazvijenost lokalnih zajednica, neriješena imovinska pitanja kantona, složen politički sistem i problem zapošljavanja.
- Najizražajniji problemi vezani za izvještajni period su se odnosili na nepostojanje usvojenih strateških dokumenata, zatečena neizmirena dugovanja unutar javnih ustanova i javnih preduzeća kao što je J.U. Starački dom i J.P RTV BPK-a, suočavanje sa provedenim popisom stanovništva u odnosu na sistem raspodjele javnih prihoda, provedba novog radnog zakonodavstva, nelikvidnost općina u sastavu Kantona, neopremljenost pojedinih javnih službi (MUP), neriješena pitanja imovine Kantona, broj nezaposlenih osoba.

Opredjeljenja za djelovanje u 2016.

- Ekspoze (Posmatranje kantona kroz 20 godišnje postojanje, izrada Strategije razvoja Bosansko-podrinjskog kantona za period 2016-2020, donošenje Prostornog plana Kantona, mjere usmjerene na privredu i zapošljavanje, održavanje harmonije i sinergije djelovanja privrednika Bosansko-podrinjskog kantona, stabilnije rješavanje pitanja javnih finansija, razvoj infrastrukture, zagovaranje poboljšanja putne komunikacije Bosansko-podrinjskog kantona Goražde kao pretpostavke ukupnog razvoja, poboljšanje saradnje sa općinama u sastavu Kantona, razvoj uslova i sistema javne uprave, unaprijeđenje uslova u obrazovanju, održavanje i poboljšanje unutar boračko-invalidske i socijalne zaštite i opremanje u zdravstvu).
- Osnovni i najvažniji ciljevi koji su postavljeni kroz usvojeni Prostorni plan Kantona za period od 20 godina i Strategiju razvoja BPK-a 2016-2020 su povećanje stepena zaposlenosti na nivou godišnje stopa rasta od 2.2 %, smanjenje nezaposlenosti, zaustavljanje rasta zaposlenosti u javnom sektoru, porast privrednih aktivnosti, prije svega, industrijske proizvodnje, razvoj i poboljšanje uslova za pružanje javnih usluga i ukupno povećanje indexa razvijenosti koji je početkom 2015. godine iznosio 91,8 indeksnih poena.

Metode rada u 2016. godini


- Provedba usvojenog strateškog okvira putem mjera i aktivnosti usmjerenih u tom pravcu
- Fokusiranje na ključna opredjeljenja dvadesetogodišnjeg postojanja kantona i definisanih mjera i aktivnosti iz usvojenog strateškog okvira
- Odgovor na probleme (prije svega dugogodišnje kao što je problem staračkog doma; potkrovnih stanovi; statusi imovine: staračkog doma, apoteke, Ministarstva privrede, zgrade Vlade, zgrade za mlade; nerealizovanih koncesija, neobnova lokalnih puteva; dugogodišnja nelikvidnost općina i dr.
- Nastavak uspješnih programa (zdravstvo za sve, implemetacija mjera iz Zakona o imovini, podsticajne mjere, energetska efikasnost stambeno zbrinjavanje)
- Nastavak razvijanja programa i mjera (škola učenika u prirodi, Memorijal šuma, Dani Huseina Efendije Đoze, sufinansiranje projekata općina, udruživanje sa lokalnim zajednicama, Zeleni energetski razvoj, energetska efikasnost, zapošljavanje djece šehidskih porodica, izrada investiciono-tehničke dokumentacije, školski aktivizam, prekvalifikacija i javni radovi, programi nabavke medicinske opreme i dr.).
- Saradnja s višim i nižim nivoima vlasti, međunarodnim organizacijama (općine, federalni organi i institucije, UNDP, Svjetska banka, World Vision, Progres i dr.).
- Strateško, normativno i operativno djelovanje i djelovanje usmjereno na zahtjeve unutar integracionih procesa. (Strategije, zakoni, programi, odluke i mjere)

Statistički pregled rada Vlade u 2016.

- 42 sjednice na kojima se u prosjeku razmatralo između 25-35 tačaka dnevnog reda kandidovanih od strane Vlade, resornih ministarstava te uprava i direkcija.
- Usvojeno preko 1400 mjera.
- Utvrđeno 13 zakonskih tekstova, od kojih je 9 usvojeno
- Usvojena 4 izuzetno značajna strateška dokumenta (Strategija razvoja, Prostorni plan, Strategija turizma i Komunikacijska strategija)
- Usvojen značajan broj podzakonskih akata, prevashodno na nivou implementacije mjera kroz usvajanje akcionih planova, radnog zakonodavstva-granski kolektivni ugovori, unutar sistema obrazovanja, privrede i unutrašnjih poslova

Usvojene mjere Vlade (uporedni pokazatelji)

Usvajanje mjera u Vladi BPK



Najbitniji strateški dokumenti

- Strategija razvoja kantona 2016-2020 kao integralni strateški dokument po prvi put usvojena na nivou Kantona (Kroz saradnju sa UNDP-om BiH urađene obimne analize, provedene javne rasprave, definisani ciljevi i mjere i konačno usvojena na Skupštini Kantona.
- Jednoglasno po prvi put usvojen Prostorni plan kantona (zahvaljujući studijsko- analitičkim aktivnostima iz 2015. godine konačno definisan sadržaj Prostornog plana s jasno definisanim ciljevima u svim oblastima javnog života i isti usvojen)
- Strategija turizma (Po prvi put postoji u Kantonu, definisani pravci djelovanja resora)
- Pod ostalim dokumentima ovog karaktera usvojena Komunikacijska strategija, Akcioni plan provedbe Reformske agende, Akcioni plan borbe protiv korupcije, Akcioni plan provedbe analize stanja uprave. Generalno radi se o dokumentima čije mjere i njihova provedba predstavljaju doprinos integrativnim procesima BiH.

Aktivnosti koje su dominantno obilježile rad u 2016.

- Po prvi put je usvojen Prostorni plan Kantona, Strategija razvoja Kantona i Lista javnih investicija Kantona kao planskog okvira koji dugoročno određuje pravce djelovanja i mjerljive indikatore.
- Uspješno su riješena pitanja koncesionih ugovora sa Elektroprivredom BiH na osnovu usvojenog zakona iz 2015. i ostvaren prihod od 400 000,00 KM.
- Okončana pravna situacija statusa potkrovnih stanova i obaveza prema etažnim vlasnicima u smislu građevinskog uređenja.
- U potpunosti završen projekat modernizacije saobraćajnice R448 prema entitetskoj granici-Čajniče u šta je u 2016. godini uloženo 300 000,00 KM
- Implementirani projekti milionske vrijednosti (cca 8 miliona) iz federalne Liste javnih investicija koji se odnose na zaštitu od poplava unutar općina Pale-Prača i Foča-Ustikolina.
- Na osnovu Odluke Vlade FBiH konačno započet proces legalizacije zgrade Vlade Kantona, njena rekonstrukcija i dodatno opremanje.
- Uspostavljena značajna saradnja s Kantom Sarajevo i federalnim Ministarstvom raseljenih koja je rezultirala povećanjem aktivnosti na razvoju putne povezanosti Sarajeva sa BPK-a i stvaranjem finansijskog okvira od 300 000,00 KM za regresiranje kamata privrednih subjekata.
- Konačno, nakon niza godina, kroz Prostorni plan utvrđena trasa cestovnog povezivanja i proveden postupak javne nabavke za izradu investiciono-tehničke dokumentacije.
- Kroz saradnju s Vladom FBiH dobit preduzeća sa sjedištem u BPK-a usmjerena u daljni razvoj što je u značajnom obimu uticalo na povećanje broja novozaposlenih i bolju iskoristivost kapaciteta postojećih industrijskih zona, na osnovu čega se jedno od preduzeća nalazi u top 10 preduzeća u FBiH po broju novoupisanih u 2016-toj.
- Također, po prvi put je uspostavljen rad Resursne sobe i uručena javna priznanja Kantona.
- Implementirana tri projekta energetske efikasnosti javnih objekata
- Izvršena značajna i započeta nabavka materijalno-tehničkih sredstava unutar Ministarstva unutrašnjih poslova u vidu uniformi, sredstva veze, vozila (ukupno do danas na nivou kantona nabavljeno 18 vozila), naoružanja

Privreda, infrastruktura, resursi i zapošljavanje

- Izvršavanje zakonskih odredbi, podsticaja i subvencija u iznosu od 684 352, 00 KM u šta ulazi podsticaj poljoprivrednoj proizvodnji, subvencije javnim i privatnim preduzećima, kapitalni transferi drugim nivoima vlasti,
- Usvojena je Strategija razvoja turizma kao osnov djelovanja u narednom periodu.
- U odnosu na pitanja vezana za privredne aktivnosti i zapošljavanja, pored izvršavanja zakonskih odredbi i potsticaja, ovu godinu je obilježila saradnja s Vladom FBiH, što je imalo za rezultat usmjeravanje milionskih sredstava u proizvodnju kroz privredna društva u kojima država ima vlasničke udjele, a što je s druge strane značajno doprinjelo rastu zapošljavanja, poboljšanju standarda uposlenika i ukupnog stanja u Kantonu.
- Jedan od osnovnih ciljeva vezan za održavanje sinergije unutar realnog sektora se nizom mjera kontinuirano se održava što za rezultat, između ostalog, ima poboljšane rezultate u 2016. godini izražene kroz rast proizvodnje, investicije i zapošljavanje.
- Izveštajni period karakteriše prisutnost efekata specijalne pogodbe s privrednim društvom Emka u vidu razvoja infrastrukture i objekata za proizvodnju u toj industrijskoj zoni koja i dalje ima kontinuitet stalnog razvoja i povećanja kapaciteta
- Kroz programe utroška grantovskim sredstvima podržana dva privredna subjekta u oblasti industrijske proizvodnje.
- Realizacija programa kroz Službu za zapošljavanje je i dalje prisutna pri čemu se izdvaja Program vezan za visoku stručnu spremu kroz koji su prošli svi bez radnog iskustva s povećanim iznosom naknade u odnosu na ranije godine.
- U odnosu na razvoj infrastrukture i efikasniju iskorištenost prirodnih resursa u potpunosti je okončan projekat modernizacije puta R448- lokalitet Zupčići- Potkozara i izvršene popravke najkritičnijih mjesta prema Prači.
- Započete aktivnosti na rekonstrukciji i modernizaciji trase kroz ulice Meha Drljevića i 1. slavne višegradske brigade što bi trebalo u potpunosti biti realizovano u 2017. godini s primjenom standarda veće kvalitete ugradnje ivičnjaka.
- Podržano komunalno preduzeće za rekonstrukciju vodovodne mreže u ovim ulicama radi kompletiranja projekta, kao i zamjena dijela glavnog cjevovoda od Vitkovića prema Goraždu kroz industrijsku zonu Vitkovići.
- Izrađeni su i poboljšani lokalni putevi, putevi na lokacijama Hajrudinovići, Žigovi, Batovo, Trebeško brdo, Berič-Cerovnjak i drugim lokalitetima, samostalno ili u saradnji s lokalnim zajednicama.

Privreda, infrastruktura, resursi i zapošljavanje

- Projekat Biznis centra je bio aktuelan i u 2016. godini pri čemu je u izvještajnom period zajedno sa Oxfam-om započet projekat utvrđivanja brdsko-biciklističkih staza.
- Kroz saradnju sa višim nivoima vlasti i Kantonom Sarajevo obezbjeđena značajna finansijska sredstva (700 000,00 KM) za izradu projektne dokumentacije cestovnog povezivanja Goražda sa Sarajevom. U tom smislu poduzete brojne aktivnosti na pozicioniranju ovog pitanja u 100 strateških projekata Vlade FBiH, kao i Strategiju transporta BiH i FBiH i isti uvršteni u pomenute usvojene dokumente. Izabran projektant za izradu investiciono-tehničke dokumentacije cestovnog povezivanja Goražda sa Sarajevom.
- Riješeno pitanje koncesije za HE Osanica po osnovu čega je jednokratno od strane Elektroprivrede BiH uplaćen iznos od 403 000,00 KM.
- Kroz saradnju sa Ministarstvom privrede Kantona Sarajevo obezbijeđen iznos od 300 000,00 KM za uspostavu regresiranja kamata privrednim subjektima i obrtnicima.
- Prezentovan projekat iskorištavanja nalazišta gipsa na Sarajevo biznis forumu, isti prezentovan Vladi FBiH, obavljen niz razgovora s potencijalnim ulagačima i pokrenuta procedura usmjerena na iskorištavanje nalazišta gipsa na prostoru BPK-a.
- Usvojena Studija revitalizacije zone Haldišta.
- Započeta implementacija projekta milionske vrijednosti iz federalne Liste javnih investicija koji se odnose na zaštitu od poplava unutar općina u sastavu Kantona kao jednog od najvrijednijih projekata implementiranih u Kantonu.
- Nastavljene aktivnosti čišćenja naplavina rijeke Drine u užem gradskom jezgru Goražda.
- Podržan razvoj kanalizacionih sistema u općinama i javne rasvjete.
- Okončana izrada šumsko-privredne osnove vrijednosti 250 000,00 KM,

Opšti poslovi i javna uprava

- Oblast opštih poslova i javne uprave obilježile su značajne aktivnosti na poboljšanju uslova rada i kvalitetnijeg organizovanja. U tom kontekstu, na osnovu donešenog Zakona o Vladi, usvojen je novi Poslovnik o radu Vlade i razvijeni su alati za kvalitetnije praćenje rada organa.
- Izrađen je višegodišnji Akcioni plan koji proizilazi iz Strategije razvoja kantona i dio mjera je već realizovan.
- Usvojeni podzakonski akti o organizovanju Zajedničke službe i Službe za odnose s javnošću.
- Od strane Vlade FBiH dobijena saglasnost za legalizaciju objekta bivše kasarane na ime Vlade BPK-a i u postupku legalizacije od strane Općine Goražde dodijeljeno zemljište u korist BPK-a. Uporedo provedene mjere utopljanja objekta i uspostave novog ekonomičnijeg sistema grijanja, uključujući i neopremljene spratove objekta.
- Prateći reformske procese na nivou Kantona usvojeni su akcioni planovi za doprinos provedbi Reformske agende.
- U skladu s dinamikom, završene sve planirane aktivnosti popune upitnika EU. Također realizovane su obaveze iz oblasti borbe protiv korupcije donošenjem Akcionog plana za borbu protiv korupcije i formiranjem tima. Izrađen Akcioni plan za provedbu mjera iz analize stanja uprave.
- Usvojena Uredba o načinima finansiranja udruženja građana u cilju transparentnijeg utroška sredstava.
- Usvojen Elaborat o uspostavi digitalnog sistema arhiviranja u upravi Kantona.
- Pokrenute aktivnosti na uspostavi jedinstvenog registra uposlenika u javnom sektoru. Značajnim vrijedi istaći projekat realizovan putem Kantonalne televizije vezan za izradu filma koji obrađuje 20 godina postojanja kantona, kao jedna od specifičnosti 2016- te godine. Podržane vjerske zajednice, prije svega, kroz podršku izgradnji i rekonstrukciji objekata.
- Provedene su značajne aktivnosti na implementiranju novog radnog zakonodavstva zaključivanjem tri granska kolektivna ugovora.
- Nevladin sektor podržan u ukupnom iznosu od 910 000,00 KM
- Postupci legalizacije objekata Bosansko-podrinjskog kantona u završnim fazama (stanovi, apoteka, Ministarstvo privrede, Dom za stare, zgrada Vlade, nadograđeni sprat Službe za zapošljavanje)
- U oblasti pravosuđa u potpunosti implemetiran projekat digitalnog arhiviranja sudskih predmeta kao prvi projekat ove vrste u Bosni i Hercegovini.

Obrazovanje, sport, kultura

- Uspostavljen novi normativni okvir u oblasti obrazovanja.
- Okončan projekat utopljanja i rekonstrukcije OŠ „Fahrudin Fahro Baščelija“, vrijednosti 400 000, 00 KM.
- Započet projekat utopljanja SSŠ „Džemal Bijedić“ vrijednosti 125 000,00 KM.
- Putem organizacije World Vision, Save the Children i federalnog Ministarstva obrazovanja obezbijeđena sredstva u iznosu od 280 000,00 KM za opremanje škola i obuku kadrova.
- Podržane aktivnosti JP RTV BPK-a u cilju saniranja obaveze kroz isplatu zaostalih plaća prema uposlenicima.
- Aktivizam učenika je povećan i usmjeren kroz sisteme koji su doprinjeli razvoju i očuvanju kulturno-historijskih znamenitosti kao što je „Memorijal šuma 8372“.
- Pokrenut rad Resursne sobe za pomoć djeci i nastavljena realizacija projekta „Škole u prirodi“.
- Podržane aktivnosti uspostave Zavičajnog muzeja i izgradnje teniskih terena u općini Goražde.
- Podržan sport u novčanom iznosu od preko 500 000,00 KM i oblast informisanja u iznosu od 493 274,00 KM
- Oblast kulture podrškom udruženjima građana u iznosu od 31 000,00 KM

Socijalna politika i zdravstvo, raseljeni

- Oblast socijalne politike obilježio je nastavak saniranja stanja u Staračkom domu, saniranje objekta i nabavka materijalnih sredstava, uključujući i novo vozilo.
- Budžetska izdvajanja sistemu socijalne zaštite u izvještajnom periodu su dostigla iznos od 5 354 817,00 KM
- U oblasti zdravstva obezbijeđeno dijalizno vozilo i podržane zdravstvene ustanove u novčanom iznosu od 69 000,00 KM
- Nastavljeno obezbijeđeno liječenje za sve kategorije.
- Podržan sistem liječenja povratnika.
- Donešen novi propis za ortopedska pomagala, uključujući i trakice za bolesnike od šećerne bolesti.
- Podržane i povratničke lokacije s nekoliko projekata, ukupne vrijednosti 25 000,00 KM.

Urbanizam, građenje, okoliš

- Okončano je regulisanje statusa potkrovnih stanova u Titovoj ulici i ispunjen najveći dio obaveza prema etažnim vlasnicima, što podrazumijeva obnovu krovnih konstrukcija i izradu fasada, vrijednosti oko 350 000,00 KM.
- U smislu regulisanja imovinsko-pravnih odnosa, u potpunosti izvršen prenos vlasništva nad stanovima u zgradi za mlade.
- Nakon kupljenog zemljišta, izrađena projektna dokumentacija za nove zgrade Lamela H3 i H4.
- Usvojena Studija energetske efikasnosti javnih objekata u Kantonu i Kantonalni akcioni plan za zaštitu okoliša.
- Provedene mjere energetske efikasnosti na zgradi Vlade (fasada, stolarija i sistem grijanja na bio masu), na zgradi općinskog suda (sistem grijanja na bio masu), na objektu S.S.S „ Džemal Bijedić“ (stolarija, krovna konstrukcija, fasada).
- Realizovan pilot projekat I faze utopljanja zgrada u ulici 1.slavne višegradske brigade.Podržane opštine u projektima energetske efikasnosti javnih objekata u iznosu od 30 000,00 KM.
- Realizovan pilot projekat I faze utopljanja zgrada u ulici 1. slavne višegradske brigade.

Unutrašnji poslovi

- Materijalno - tehničko opremanje pripadnika policije (uniforme, sredstva veze, specijalna oprema i oružje, čime je nivo opremljenosti podignut na značajno veći nivo, kroz donacije i nabavku putem javnih nabavki)
- Kadrovsko osposobljavanje
- Provođenje projekata (Ne drogama, Rad policije u zajednici, Žetva, Biraj život bez oružja i dr.)
- Također, okončani su postupci nabavke novih vozila za potrebe policijske uprave (7 vozila).

Boračko-invalidska zaštita

- Boračko-invalidsku zaštitu specifično je obilježilo implementiranje projekta zapošljavanja šehidske djece, u čiju realizaciju je obezbijeđeno 300 000,00 KM kroz predlaganje pilot projekta prema Zavodu za zapošljavanje FBiH, uz obezbjeđivanje 30% sredstava iz Budžeta BPK-a, što je ocijenjeno kao kvalitetna inicijativa koja se naknadno proširila na ostale kantone.
- U saradnji sa JP BPK Šume i Muftijstvom Goražde započeta je implementacija projekta „Memorijal šuma 8372“.
- Po prvi put, osnovana je i podržana fondacija čiji su ciljevi pomoć ugroženim pripadnicima boračkih populacija suočenih sa sudskim procesuiranjima.
- Pokrenute aktivnosti na regulisanju statusa zemljišta za izgradnju spomen obilježja, prevashodno statusa u prostoru parcele na kojoj je centralno spomen obilježje kao prethodnih aktivnosti za projektovanje, rekonstrukciju i dogradnju.
- Konačno, započeta izrada Monografije Goražde-grad heroj, što je podržano i od resornog federalnog ministarstva.
- Po prvi put dodijeljena javna priznanja, uključujući i ratne brigade.

Finansije

Pitanje budžeta obilježila je nova raspodjela kroz Upustvo federalnog Ministarstva finansija, što je imalo izuzetno loše efekte na budžet koji se duži niz godina suočava s potrebom servisiranja ustavnih nadležnosti i nedovoljnim prilivom sredstava. Kriterij broja stanovništva je izuzetno nepovoljan, cijeneći rezultate popisa i provedeni postupak popisa stanovništva na području BPK-a i općina u 2013-toj godini. Novonastala situacija je djelimično ublažena po dva osnova. Na osnovu naprijed pomenutog povećanja privrednih aktivnosti i zapošljavanja, povećani su prihodi po osnovu poreza na dohodak i poreza na dobit, što je posebno imalo pozitivnog efekta na Budžet Općine Goražde obzirom da kantonalnim propisom o raspodjeli javnih prihoda 50 % prihoda se doznačava općinama na čijem području se nalazi sjedište obveznika uplate poreza na dobit, u ovom slučaju je to Općina Goražde. Drugo, pomenutim aktivnostima na privlačenju sredstava iz drugih izvora koje su dijelom alocirane kroz budžet ili su direktno implementirane od strane donatora.

Saradnja kroz projekte

- Nastavljena je karakteristika rada Vlade usmjerena na poboljšanje saradnje s drugim nivoima vlasti putem čega su privučeni projekti vrijednosti oko 10 miliona KM. Posebno je uspostavljena dobra saradnja s Kantonom Sarajevo, prevashodno u oblasti transporta i privrede, po osnovu čega su obezbijedena sredstva u iznosu od 810 000,00 KM čija je namjena usmjerena na projektovanje trase ceste i kamatno regresiranje kredita privredi u narednom periodu. Značajna saradnja je uspostavljena sa ministarstvima za raseljena lica (150 000 KM), prostorno uređenje (50 000 KM), poljoprivredu i vodoprivredu (7.500 000 KM), transport (usvajanje Mministarstvom za boračka pitanja Federacije BiH (5000 KM), Elektroprivredom BiH (403 000 KM), Fondom za zaštitu okoliša (60 000 KM), Agencijom za slivove rijeke Save (93 000KM), Federalnim zavodom za zapošljavanje (200 000KM), općinama u sastavu Kantona Sarajevo (50 000 KM), UNDP-om (150 000 KM), ICTAP (60 000), TIKA (40 000 KM), Progres (10 000 KM) i drugim. Vrijedno je istaći i naprijed pomentu saradnju s Vladom FBiH u smislu ulaganja dobiti preduzeća čiji je većinski vlasnik FBiH u nove investicije.
- Saradnjom sa opštinama u sastavu Kantona nastavljene su zajedničke aktivnosti, pri čemu se izdvajaja podrška projektima izgradnje teniskih terena, Zavičajnog muzeja i zagrijavanja Centra za kulturu u Goraždu, izgradnja balon sale u Ustikolini, izgradnje kanalizacija i sistema javne rasvjete u Općini Pale-Prača uključujući i izgradnju obalautvrda. Na nivou grant sredstava, prema općinama realizovan iznos od 1 125 000,00 KM.

Opšta slika i poređenje sa indikatorima u 2016. godini

1. Povećanje stepena zaposlenosti na nivou godišnje stope rasta **od 2.2 %**

U Bosansko-podrinjskom kantonu Goražde broj zaposlenih radnika na osnovu podataka FZS-a na dan 31.12.2016. godine iznosio je 6.778 što je u odnosu na kraj 2015. godine više za 217 radnika ili 3,4 %. Veoma je značajno naglasiti da je u prerađivačkoj industriji koja je dominantna u Kantonu Goražde došlo do povećanja broja zaposlenih radnika za 154 ili 5,0 %, što je pozitivan pokazatelj i sveukupno ukazuje na činjenicu da je **premašeno planirano godišnje povećanje od 2,2 %**.

Opšta slika i poređenje sa indikatorima u 2016. godini

2. Smanjenje broja nezaposlenih

	2012	2013	2014	2015	2016
Pregled broja nezaposlenih po godinama prema podacima FZS	3.637	3.693	3.636	3.570	3.502

U Bosansko-podrinjskom kantonu Goražde uočava se konstantan pad broja nezaposlenih koji je u procentima izražajniiji u periodu 2015-2016 i zaključno sa 2016-tom godinom se približio broju ispod 3500 nezaposlenih prema podacima FZS-a.

Opšta slika i poređenje sa indikatorima u 2016. godini

3. Zaustavljanje rasta u javnom sektoru 2015-2016

Broj zaposlenih u javnom sektoru

mar.15	jun.15	sep.15	dec.15	mar.16	jun.16	sep.16	dec.16
1.618	1.598	1.830	1.574	1.596	1.603	1.640	1.605

Opšta slika i poređenje sa indikatorima u 2016. godini

4. Privredne aktivnosti

- U Bosansko-podrinjskom kantonu na nivou privrednih aktivnosti prisutni su pozitivni rezultati konstatnog povećanja dobiti, smanjenja gubitaka i rasta investiranja shodno značajnom cilju iz Prostornog plana Kantona definisanim kao povećanje stepena iskorišćenosti postojećih industrijskih kapaciteta i proširenje proizvodnih mogućnosti tih kapaciteta, naročito u strateškoj oblasti industrijske proizvodnje. Na području BPK-a Goražde u 2016. godini, u odnosu na isti period 2015. godine, proizvedeno 15,2 % više roba i usluga izraženo u naturalnim pokazateljima. Visok rast obima industrijske proizvodnje je prije svega posljedica investicionih ulaganja u prethodnom obračunskom periodu. Gledano po kantonima, najveći doprinos rastu ukupne industrijske proizvodnje FBiH dao je Bosansko-podrinjski kanton (rast za 15,2%), Kanton 10 (rast za 14,9%), Tuzlanski kanton (rast za 6,6%) i Unsko-sanski kanton (rast za 6,5%).
- Na područje BPK Goražde u 2016. godini uvezeno je roba i usluga u iznosu od 104.396.000,00 KM, što je u odnosu na 2015. godinu više za 7,56 % dok je izvezeno roba i usluga u vrijednosti od 169.111.000,00 KM ili 5,58 % više nego u 2015. godini. Pokrivenost uvoza izvozom roba i usluga u posmatranom periodu u Bosansko-podrinjskom kantonu Goražde ostvaren je sa 161,99 %. U posmatranom periodu ostvaren je suficit u razmjeni sa inostranstvom u iznosu od 64.714.000,00 KM. Izvoz po glavi stanovnika u posmatranom periodu za Bosansko-podrinjski kanton Goražde iznosio je 6.674,71 KM i takođe predstavlja najveći prosječan iznos po glavi stanovnika u državi Bosni i Hercegovini.

Opšta slika i poređenje sa indikatorima u 2016. godini

5. Index razvijenosti

	2014	2016
Indeks razvijenosti	91,8	92,9

Izazovi

- Razvoj politika usmjerenih na demografsku strukturu i povećanje broja stanovništva
- Finansijska održivost

HVALA NA PAŽNJI

Detaljnije: -Izvještaj o radu Vlade 2016
-Izvještaj o izvršenju Budžeta 2016